

BOTANISCHES INSTITUT  
der Universität Wien

Bibliothek

J.-Nr.

5047

Sign.


155/18


BOTANISCHES MUSEUM  
der k. k. Universität.

J.N.<sup>o</sup> 5047  
**B** ~~A 56/3~~ <sup>231</sup>  
~~22~~
















J. E. Mangold fec:

INSTITUTA  
FACULTATIS MEDICÆ  
VINDOBONENSIS

CURANTE

ANTONIO STÖRCK

AUGUSTORUM  
JOSEPHI II. IMP. ET M. THERESIÆ  
IMPERATRICIS REGINÆ APOSTOL.  
AB AUL. CONSILIIS ET ARCHIATRORUM COMITE.



*ex Mus. Med.*



CICCI CICCI LXXV.

EXCUDEBAT VINDOBONÆ

J. THOMAS NOB. DE TRATTNERN, AUGG. TYPOGR.





ANTONIUS STÖRCK  
LECTORIBUS.

Potissima humanæ felicitatis, post  
mentis sanitatem, pars est,  
corpore esse bene valente, & ad om-  
nia, haud minus exteriora, quam in-  
teriora munia celeriter suaviterque ob-  
eunda promptissimo.

Quod cum intersit non minus fin-  
gulorum hominum, quam universæ  
Reipublicæ, quæ, ut felix sit, nequit  
in multis opera civium corpore fano

præditorum carere, idcirco Civitates sapienter institutæ solicitæ fuerunt semper, ut, qui profitebantur, se posse valetudinem & servare præsentem, & quacunque de causa amissam revocare, non ex iis promissoribus essent, qui pecuniæ corradendæ intenti, homines mendaci scientiæ jactatione deciperent, sed veris Artis principiis imbuti valerent scienter languentibus opitulari.

Constituerunt propterea Medicorum Collegium quoddam, cui superior ætas Facultatis Medicæ nomen indidit; eique commiserunt procurationem rerum omnium, quæ ad Artem sive perdiscendam, sive honeste

pru-

prudenterque factitandam poterant  
quoquo modo pertinere.

Ac providæ hujus sapientiæ impul-  
sione permoti **RUDOLPHUS IV. & AL-**  
**BERTUS III. AUSTRIÆ DUCES**, cum an-  
no MCCCLXV. statuissent in hanc  
Principem Urbem Studiorum Univer-  
sitatem inferre, voluerunt, ut Medi-  
cæ quoque Facultati in ea locus esset;  
quam ita conformaverunt, ut Ea pro  
illorum temporum conditione nulli e  
præstantioribus, quæ in Europa tunc  
celebrabantur, esset inferior.

Et sane Medicam hanc Vindo-  
bonensem Facultatem nunquam caruif-  
se viris, qui sive Arte exercenda, si-  
ve etiam operibus ad eam prudenter

faciendam adhucdum utilibus, nomen suum illustraverint, **Historia Literaria** luculenter testatur.

Etenim ne quid dicam de illis, quorum, ut recens memoria est, ita supervacaneum esset doctrinam famamque celebrare. Cuinam vel mediocriter in Medicina bonisque literis eruditio ignotum est *Cuspinianos*, *Lazios*, *Sambucos*, *Cratones*, *Sorbaitios* meruisse, ut a posteris quoque laudarentur?

Verum, quod publicis Institutis plerumque accidit, ut vel hominum incuria, vel injuria temporum, vel publicarum rerum conversione aut pervertantur, aut languescant ita, ut

fin

fin minus perniciosa, saltēm fiant inutilia, id evitare pluribus de causis nec Facultas nostra potuit, in eo præser-tim, quod spectat ad Studiorum ratio-nem.

Cum enim eadem illa publice docen-di forma maneret, quam primi Faculta-tis conditores illi indiderant, certusque ac ordinatus prælectionum ordo ac mo-dus non esset lege præscriptus, & qui-libet e Professoribus arbitratu suo seli-geret ad prælegendum, quid sibi vi-debatur, eaque id ratione tractaret, quam commodiorem, aut sententiis, quibus imbutus erat, aptiorem existi-mabat; eveniebat, ut publica Artis Salutaris Disciplina apud nos esset &

mutila, & hians, & non raro fibimet  
ipſi non prorsus cohærens: Unde, qui  
volebant Medicinæ ſeſe totos dedere,  
cogebantur plenam abſolutamque ejus  
inſtitutionem in exteris oris conqui-  
rere.

Noſtra itaque Facultas deſiderabat  
adhuſ adjutricem Principis manum,  
cujus ope non ſolum erigeretur, ve-  
rum etiam ſplendidam illam faciem in-  
dueret, qua primores cultiorum gen-  
tium Academiæ, repurgata ab Ara-  
bum ſordibus Arte, eaque orna-  
mentis pluribus nobilitata amplificata-  
que, oculos omnium ad ſeſe allicie-  
bant.

AUSTRII enim PRINCIPES, et si non deponebant publicæ valetudinis curam, nihilominus, quia distenti asperrimis ac fere continentibus bellis, satis otii nunquam naœti fuerant, ut studiorum instauratiōni pacata mente vacarent, solebant aut ad se advocare viros certe claros, sed quos exteræ regiones ediderant erudierantque, aut e suis anteferre eos, qui extra patrium solum Medicas copias sibi comparasfent.

Immortales igitur gratias habere nos decet MARIÆ THERESIAE AUGUSTÆ, Quæ, ut animo est celso, & ad grandia nato, vel sub ipsis faustissimi Regni Sui initiis, etiamsi hostium ar-

mis undique premebatur, passa tamen non est, ut in ditionibus *Suis scientiæ artesque ulterius jacerent.*

Nam cum primum *Gerhardus van Swieten* Lugduno Batavorum, ubi florebat, accitus, ut Valetudinis AUGUSTÆ DOMUS curam gereret, hortatus Illam est, ut instauratione hac non minus literis, quæ ad Imperiorum dignitatem augendam non minimam vim habent, quam commodis, quæ ex earum recta cultura in omnes civium ordines redundant, prospiceret, tam illustre consilium sublimis AUGUSTÆ Mens arripuit illico, decrevitque, ut illud ipse idem, qui ejus auctor fuerat, exsequeretur.

*Swie-*

*Swietenius vero, qui ingenium per-*  
*spicax, memoriam vastam tenacem-*  
*que, judicium acre, ceterasque dotes,*  
*quibus natura Eum liberaliter do-*  
*naverat, Græcis Latinisque literis*  
*optimorumque cujusque generis libro-*  
*rum lectione excoluerat, ac constanti*  
*viginti annorum familiarique *Hermannii**  
**Boerhaavii*, Viri Summi, frequentatio-*  
*ne omnia naturæ, accumprimis Medicina-*  
*næ adyta pervaferat, incredibile dictu*  
*est, quanto animi ardore laborioso*  
*huic operi molestoque manum admo-*  
*verit, & quam celeriter accurateque*  
*AUGUSTÆ votis responderit.*

Et quantum ad Facultatem Medi-  
cam attinet (nam in reliquis Facultati-  
bus

bus restituendis quid præstiterit, non deerunt, qui dicent) haud in eo se continuit, ut Professorum Scholarumque publicarum numerum, ordinem, munia, ut & Auditorum officia exercitationesque præscriberet, singulisque vel Facultatis Universitatisque convocationibus, vel usitatis in Scholis Actibus interesset, quod homini minus etiam, ac Ipse erat, occupato potuisse videri satis grave, sed ipsem perinde, ac si non quidem rei Institutior Supremusque Moderator esset, sed e Professoribus unus, onus docendi publice, sponte suscepit.

Metuens enim prudenter, ne Medicum Ædificium, quod mente conceperat,

perat, futurum esset minus solidum,  
nisi diligens opera in imis fundamentis  
præjaciendis constabiliendisque collo-  
caretur, tametsi valetudo & AUGUSTÆ  
DOMUS & Nobilium Collegii THERE-  
SIANI Adolescentium, tum Aulicæ Bib-  
liotheçæ Præfectura, Mathematicarum  
Physicarumque Prælectionum in Uni-  
versitate Directio, Librorumque Censu-  
ra non parum Illi temporis surripie-  
bant, sumfit sibi explicandas quotidie  
Tyronibus *Boerhaavianas* Institutiones.  
A quo opere, cui pluribus annis con-  
stanter institit, non prius se retraxit,  
quam animadvertisit in *Joanne Stör-  
ckio*, Suevo, quem amantissime ipsem et  
erudierat, tantum esse intelligentiæ,

ut

ut aliis *Boerhaavianæ* doctrinæ penetralia posset cumulatissime referare.

*Anatomiae* providit, non tantum commissa ejus explanatione *Laurentio Gasserio, Carintho*, viro in dissecandis cadaveribus, & in quocunque injectandi genere exercitatissimo, universæque Anatomicæ doctrinæ intelligentissimo; sed etiam donatis liberaliter Facultati Medicæ Anatomicis omnibus, ut vocant, Præparationibus, quas e *Ruy-schii, Albini, Lieberkühnii* aliorumque in hac re celebriorum virorum laboribus in proprium usum maximis sumtibus collegerat.

Prælectiones *Chemicæ Botanicesque* intulit in Facultatem, ubi earum nec  
vesti-

vestigium fuerat , procurato ad Chemicā opera instrumentorum apparatu , instructoque Plantarum horto , quem Typus , opellæ huic insertus , repræsentat , qualem , Eo promovente , *Nicolaus Jacquinius* , Lugduno Batavus , cuius nomen insignis sua in Chemicis Botanicis que rebus doctrina , & suscepτæ ad Naturalis scientiæ incrementum , jussu FRANCISCI I. AUGUSTI , Americanæ peregrinationes nobilitarunt , non sine ingenti studio ac labore efformavit .

Ne vero morborum curandorum ratio a theoreticis præceptionibus , unde ipsa derivatur , esset fortasse propter sententiarum varietatem dissentiens , conjecit oculos in *Antonium de Haen* ,

Batavum, qui sub communi præceptore *Boerhaavio* peculiariter adlaboraverat, ut veram *Hippocraticam*, in Medicina facienda viam pernosceret, qui-que Hagæ Comitum felici Artis hujus exercitio non mediocrem sibi famam conciliaverat, atque Ei ad omne id, quod in publicum bonum cedit, liben-ter etiam proprio cum incommodo am-plectendum prono, consilium isthoc suum ita persuasit, ut Is non recusave-rit relicta Patria ad nos migrare & ope-roso Praxeos in Facultate nostra pu-blice docendi muneri, non sine ingenti Discipulorum Medicæque doctrinæ emolumento, se se subjicere.

Institutionum *Chirurgicarum* Prælectioni destinavit *Josephum Jausium*, Vindobonensem, qui CAROLI VI. AUGUSTI jussu ac sumtibus, Lutetiæ Parisiorum sub illustris *Winslowii* celebriorumque ejus temporis Chirurgorum disciplina, quicquid ad Anatomen & Chirurgiam pertinet, quam diligentissime didicerat. Atque ut Auditoribus posset, quæ ipse sciverat, pandere, omni cum instrumentorum machinarumque apparatu instruxerat, quæ Encheribus opportuna esse, veteres recentesque Chirurgicarum Rerum Auctores judicaverant.

*Obstetriciæ Arti Professorem Publicum deputavit Henricum Cranzium Luxemburgensem, qui Parisios AUGU-*

---

---

XVIII P R A E F A T I O.

STÆ sumtibus ab Eo missus tam accurate per vestigaverat, quæcunque illic existimantur profutura obstetricanticibus, ut Auditoribus posset de illis doce experienterque differere, suppeditata illi suppellectile omni ad Artem demonstrandam, enherefesque facientes necessaria.

Ne quid oscitantiæ in Medicamentorum præparationem irreperet, decrevit, ut Pharmacopolæ non probentur, nisi rite examinati, & ut publicæ Pharmacopeæ visitationibus subsint.

Omnia ad scholaftici anni cursum, qui in Universitate nostra excurrit a secunda Novembris ad octavam Septembris, attemperavit.

Utilitati publicæ haud minus , ac studiosorum Artis æque , ac eam jam facientium tranquillitati , quæ cuicunque mentis exercitationi alacriter prospereque exequendæ est summopere necessaria , non omisit prospicere.

Itaque ne illi , qui ingenio sunt bono , sed minus propitiam fortunam experti sunt , aut impotentia impendendæ pecuniæ , Reipublicæ , cui poterant studiis suis esse utilissimi , fiant prorsus inutiles , aut molestias patiantur , si amore literarum inducuntur , ut solvant , aut suspicentur Magistros non eam in erudiendis tenuioribus , ac in pecuniosis operam impensuros , ab AUGUSTÆ MUNIFICENTIA impetravit , ut Prælectiones publicæ possent esse prorsus gratuitæ.

Ut autem Medici eximerentur a familiari sollicitudine, qua interdum in Artis exercitio perturbantur, dum metuunt, ne eorum uxores, postquam ipsi decesserint, vitam inter domesticarum angustiarum colluctationes ducant, instituit Ærarium, unde viduæ eorum, qui huic sodalitio nomen dedissent, jure suo certam quotannis pensionem, dum vivерent, repetant.

Nec a procurandis præsentia, voce, opera Facultatis Artisque commodis, quoad vixit, removit unquam animum.

Quare Facultas nostra, ut ab Eo exstructa a fundamentis est, ita Ejus Institutis, quibus hodie regitur, siquidem inviolate persistent, potis est in

quam-

quamcunque seram ætatem honorificenter  
tissime florere.

Nam si temporum conditio videatur  
fortasse requirere, ut quid illis adda-  
tur, quemadmodum ad Ejus mentem  
ipſi fecimus, constitutis tum peculiari  
Tractatione de oculorum morbis cog-  
noscendis, manuque curandis: tum  
Chirurgicis Obstetriciæque Artis Præ-  
lectionibus extra ordinem in eorum  
commodum, qui ordinario Præle-  
ctionum publicarum curriculo inter-  
esse nequeunt: tum informatione inter-  
norum morborum in pagis frequentio-  
rum Chirurgis tradenda; id quidem,  
si acutius perpendatur, non additio est,  
sed rerum tantum in *Swietenii* Institu-  
tis, tanquam in semine, conclusarum

diductior quædam & quasi corpulentior evolutio.

At quanto Ipse erat ferventior in promovenda Facultatis celebritate, quæ ita pervagabatur, ut quosdam e Transmarinis usque Regionibus ad eam frequentandam excitaverit, tanto erat a magnificanda opera sua remissior & prorsus incurius.

Nam quamvis noscere facile poterat non minimum fibi honorem obventurum, si Typis, quæ ipse hac in re strenue effecerat, vulgasset, attamen nequidem de concinnandis atque in ordinem redigendis Facultatis Institutis unquam cogitavit.

Verum quod Ipse gloriæ despiciencia neglexit facere, gratus noster erga

Illum


Illum animus non finit, ut a nobis omit-tatur.

Præsertim cum utile futurum sit ado-lescentibus in antecessum scire, quid præstandum sibi sit, quandocunque Me-dicinæ velint se consecrare: ducamusque haud ingratam fore Civibus enar-rationem earum rerum, quæ Swietenius eorum valetudini consulturus præsttit. Ac tandem, quoniam æquum quam ma-xime est, ut omnes AUSTRIACÆ Ditio-ni subditi intelligent, quantum Mater-næ AUGUSTÆ MARIAE THERESIÆ Pro-videntiæ debeant.

Etenim instauratis Ejus Munifica Beneficentia literarum ac præcipue Me-dicæ Artis studiis factum est, ut qui Ejus felicissimo Imperio parent, po-

tiantur, si voluerint, eo, quod in optabilibus hujus vitæ est maximum, ut nempe fint mente sana in corpore fano.

Quod si opella hæc nostra inferior longe est ei, quam facile quilibet conjicit, potuisse hac de re a *Swietenio*, si voluisset, conscribi, speramus neminem vitio id nobis daturum, qui sciat, nos imitari quidem Ejus ardorem in Medicæ Facultatis, cui præsumus, dignitate utilitateque servanda, &, si per vires nostras licet, amplificanda, verum non ita desipere, ut audeamus ullo pacto cum Summo illo Viro de ingenio doctrinaque contendere. Vindobonæ Id. Jan. MCCCLXXV.



# INSTITUTA FACULTATIS MEDICÆ VINDOBONENSIS.

Facultas Medica Vindobonensis con-  
stat Præside, Decano, Professori-  
bus Publicis Ordinariis, Seniore,  
Notario, & Medicinæ Doctoribus, Facul-  
tatis albo adscriptis.

A

Præ-

Præses a Summo Principe designatur  
Ille, cui valetudinis suæ curam committit.

Ejus officium est perpetuum.

Is Facultatis tenet gubernacula, totius-  
que Rei Medicæ negotia gerit ac modera-  
tur.

Præprimis autem curarè debet, ut Ca-  
thedræ publicæ ordinariæ a Professoribus  
quam maxime idoneis & diligentibus occu-  
pentur ; tum ut Studium Medicum non  
tantum in constituto ordine ad amissim ser-  
vetur, sed etiam, quantum quidem fieri po-  
terit, emendetur, perficiatur & amplifice-  
tur. Quibus in rebus Professores officii le-  
ge pendent a Præside.

Decanus eligitur quotannis ab univer-  
sis Facultatis membris ; atque illi honor iste  
confertur, in quem major suffragiorum nu-  
merus conspiraverit. Qui eo jam functus  
est, potest confirmari etiam pluries, dum-  
modo,

modo, cum repetitur electio, semper in ipsum confluant suffragia plurima; & justæ gravesque causæ aliter Præfidi non suaserint.

Ejus officium expostulat, ut necessario omnibus Facultatis actibus tam privatis quam publicis intersit; tum ut prædisponat cuncta, quæ spectant Commissiones, ut & Consultationes criminales æque ac civiles &c., quæ a Facultate Medica petuntur.

Primum a Decano locum tenent Cæsareo - Regii Archiatri.

Hos sequuntur Professores Publici Ordinarii, quorum quilibet Cæsareus Regiusque Consiliarius est.

Nullus Professorum eligi potest vel Universitatis Rector, vel Decanus, ne adscitiis hisce occupationibus distractus a Professoriis suis muniis rite diligenterque obeundis interturbetur, aut impediatur.

Si aliquis Professorius locus vacaverit,  
Præsidis est, eum feligere, qui huic mune-  
ri fit aptissimus, riteque proponere Summo  
Principi, ut ejus suprema auctoritate renun-  
cietur.

Nemo tamen, nisi forte annosa sedula-  
que Artis exercitatione, vel vulgatis ope-  
ribus probaverit se esse aptum ad docen-  
dum, constituitur statim Professor Publicus  
Ordinarius. Cuilibet enim alteri, in quem  
ista non cadunt, præscribitur, ut habilita-  
tis suæ specimen daturus ad unum alterum-  
ve annum titulo Lectoris publice prælegat,  
tributa illi primo anno medietate salarii  
Professoris Ordinarii, & altero duabus ter-  
tiis partibus. Quo tempore, si muneric  
sui partes omnes expleverit, Aulico Decre-  
to confirmatur, & omnes deinde Professo-  
ris Publici Ordinarii honores fructusque in  
Universitate consequitur.

Si

Si minus satisfaciat, alter ejus loco ad idem experimentum substituitur.

Quæ methodus ad pernoscendos, qui mereantur Professores renunciari, est sane opportunissima. Siquidem in Professore præter solidam doctrinam desiderantur adhuc plures cum ingenii tum animi dotes, quarum, utrum saltem summe necessarias recte possideat, longius solummodo experimentum potest patefacere.

Si plures adsint, qui Professorium aliquod munus ambiant, videanturque æque intelligentes, instituitur singulorum tentamen, ut exploretur, qui sit optimus, ideoque ceteris anteferendus.

---

## NUMERUS ET MUNIA PROFESSORUM MEDICINÆ.

**Q**uartuor ii sunt: quorum unus docet Chemiam & Botanicen,

Alter Anatomen,  
Tertius Physiogiam, Materiem Me-  
dicam, & Methodum conscribendi formulas,  
Quartus Pathologiam & Praxin Cli-  
cam.

---

## RATIO, QUÆ SERVATUR IN DOCENDO.

Cum mos ille dictandi propria scripta,  
qui superioribus sæculis invaluerat,  
sit pluribus de causis sublatus, præscribitur  
Professori libellus aliquis ex iis, qui com-  
modiores probatioresque sunt, ut possint  
discipuli cognoscere ordinem, quem Pro-  
fessor in illis erudiendis sequuturus est, &  
ad eum memoriæ gratia valeant referre,  
quæcunque in Prælectionibus audierint, vel  
in aliis Auctoribus invenerint.

Nam

Nam quia ad quamcumque scientiam artemque penitus comprehendendam compendiaria via est excutere quam diligentissime probatissimorum virorum opera, in quibus aut universa earum materia, aut aliqua ejus pars illustratur; Professores nostri, præterquam, quod ex præscripto Prælectiones suas auspicantur a litteraria Facultatis, quam docent, historia, non prætermittunt inter docendum indicare, privatimque legendos consulere Auditoribus suis præstantiores Auctores, qui de re, de qua illis sermo est, doctius uberioriusque pertractarunt. Neque ex eo, quod hucusque injunctum est, exempli causa, uti Boerhaavii Institutionibus, existimandum erit, Medicinæ Professores adigi, ne vel ab ordine, vel a sententiis Boerhaavii ullo pacto recedant; sed ideo factum est, quod nulla hactenus prodierit Medicæ Artis Epitome, quæ mi-

nori volumine, & ordine magis perspicuo comprehendat tanta, quanta in suis libellis *Boerhaavius* conclusit.

Medicina enim ars est non quidem servilis, sed liberalis; quique ei se addicunt, pendere non debent a privatis cujuscumque opinionibus, sed id solum probare, quod experimenta, & hinc legitimæ deductæ ratiocinationes ostenderint esse naturæ consenteaneum. Quocirca in potestate cuiusque Professoris est, ea proferre, quæ ipse pro peritia sua judicat veriora, aut instituendis Auditoribus suis aptiora, etiam si ab Auctore, quem prælegit, sint dissentanea.

Hinc in more possum est, ut præter libellum, qui præscribitur explanandus, Professor quilibet, siquidem sibi videatur, commendet lectionem alterius Auctoris, quem censet ad intelligentiam Prælectionum suarum posse conferre.

Quin

Quin si voluerit conficere ipsem et libellum, ex quo prælegat, illi interdictum nullatenus est; dummodo, quod scripsiterit, antequam typis detur, exhibeat Præfidi, ut, quod publice prælegendum est, non nisi Facultate consentiente prælegatur.

Immo summa est in Scholis nostris sollicitudo, ne vel ipsorum Discipulorum mentes factiosæ fiant contentiosæque, aut hypothesisibus in artis exercitio plerumque noxiis inficiantur.

Ac propterea cautum Professoribus est, ut in docendo patefaciant candide, quid habendum sit certum, quid probabile, quid obscurum, quid dubium.

Et quia fraudari Discipuli non possunt cognitione controversiarum, quas auctoritas virorum doctorum disputationibus suis reddidit celebres, enarrantur eæ quidem, sed problematice tantum, expositis ingenuis

& sine partium studio argumentis, quæ uterque contendentium in propriæ sententiæ confirmationem adducit: admonenturque Auditores, ut, quandocunque adsit in rebus obscuritas, abstineant a judicando, donec uberior lux adfulgeat.

Atque hisce expositis in universum describenda est ratio, quam singuli Professores sequuntur.

---

## C H E M I A.

**P**rofessor Chemicæ, qui ordinem servat Elementorum Chemicorum Boerhaavii, & suadet præter hunc legendos *Spielmannum* & *Macquerum*, Prælectiones suas ita distribuit, ut in iis non tantum omnia, quæ Medicis Pharmacopœisque necessaria scitu sunt, sed & , quæ Metallurgiæ & Oeconomiaæ possunt usui utilitatique esse, expli-

cen-

centur, & repetitis experimentis demon-  
strentur.

---

## B O T A N I C E.

**I**dem Professor, Botanicen non theoretice tantum, sed & practice docturus, ita, ut ejus Auditores plantas quotiescumque occasio sese offert, possint internoscere, Lectiones suas instituit in Botanico Cæsa- reo-Regio horto, ad hunc finem exstructo; Et quoniam sequitur Systema *Linnæi*, cu- jus opera idcirco consulit legenda, hujus doctrinam, posteaquam verbis fuse diluci- deque explanavit, confert confirmatque in plantis ipsis tam indigenis quam exoticis, quibus hortus iste copiosissime est instructus.

Et ne quid desit, quo publica utilitas promoveatur, prostat typis impressus plan- tarum omnium Index præfixis cuique earum

numeris illis, qui singulis plantis horti respondent, cuius ope quilibet potest, quan-  
docunque voluerit, ea recolere, quæ a Pro-  
fessore audiverit.

Plantis autem, quæ ex eo, quod com-  
munioris sunt in Medicis præscriptionibus  
usus, appellantur Officinales, destinatus est  
in eodem horto sejunctus locus tabellis infi-  
xis, quibus nomina Latina & Germanica  
cujusque speciei inscripta sunt; Qui locus  
quocunque anni tempore patet etiam iis, qui  
necessæ habent has plantas cognoscere, &  
negotiis quotidianis impediti Prælectioni-  
bus Professoriis nequeunt interesse.

Præterea Professor vernalibus æstivi-  
que diebus, assumtis secum studiosioribus  
quibusdam discipulis, peragrat sæpius cam-  
pos, valles, colles, montes, & sylvas, non  
solum urbi proximiores, sed etiam remo-  
tiores, ut hi & assuecant plantas, ubicun-  
que

que occurrint, statim discernere, & per-  
spiciant per vestigia que herbas stirpesque  
rariores eo ipso in loco, in quo naturæ vi-  
sponte progerminant & crescunt.

---

## A N A T O M E.

**Q**ui profitetur Anatomen, Prælectiones suas instituit secundum Anatomicas Tabellas *Shaarſchmidii*, commendata Auditoribus lectione *Winslovvii*; Et quandoquidem debet singula, quæcunque voce expo-  
suit, illico in ipsis humani corporis mem-  
bris demonstrare:

Agit in hyeme de iis Anatomæ parti-  
bus, quæ illustrari possunt cadaveribus re-  
cens extinctis, eas subtiliter dextereque  
dissecando, injectando, ceterisque variis  
artificiosisque modis præparando, ut quan-  
tum humanis viribus datum est, pateat ad-

miranda corporis nostri structura, & singularum partium viscerumque usus, functionesque detegantur.

Æstivo autem tempore in illarum partium tractatione versatur, quibus demonstrandis adhiberi potest ex humano corpore id, quod vel natura siccus est, vel non tam facile ita corrumpitur calore, ut ejus attentam introspectionem fætor reddat intolerabilem.

Porro tum in artis incrementum, cum in eorum gratiam, qui delectantur Anatome, ea subtilitate ubertateque tractata, quæ ab annali Institutione non potest exigi, solet Professor singulis annis de alia Anatomiae parte ita copiose differere, eamque tanta sedulitate & patientia demonstrare, ut, qui expositionibus istis, quarum tempus scripto publico indicitur, interfuerint, nil ultra possint desiderare.

Quod

Quod si fuerit discipulorum aliquis, cui volupe sit indipisci quoque manuum peritiam in dissecandis vel humanis cadaveribus vel viventibus animalibus, habebit a Professore, unde in hac quoque re practice erudiatur.

Eiusdem pariter Professoris pensum est, postquam Anatomes universæ expositionem absolverit, differere peculiari accurataque tractatione de cognoscendis curandisque oculorum morbis, ostendendo tam in cadaveribus, quam in ipsis ægris, qua ratione sint efficiendæ encheres illæ, quibus manu instrumentisque potest obtenebratis oculis succurri.

---

## PHYSIOLOGIA.

**P**hysiologus explicat ordine Boerhaavia-no omnes & singulas actiones corporis humani, recta valetudine perfruentis;

ad

adductis ad eas dilucidandas comproban-  
dasque experimentis ratiocationibusque  
tam propriis quam præstantiorum Physiolo-  
gorum, translatisque in suum usum tum  
copiosissimis illis selectissimisque Medicæ  
doctrinæ thesauris ab immortali nostro *Swie-  
tenio*, singularis ingenii industriæque viro,  
congestis, tum iis, quæ solertissimus pari-  
ter ac eruditissimus naturæ perscrutator  
*Hallerus* sagacitate summa incredibiliique  
labore detexit, & ad salutaris Artis incre-  
mentum ratione æque ac experimentis soli-  
dissime elegantissimeque constabilivit.

Discipulis autem, ut in antecessum ef-  
forment sibi quandam Physiologiæ notionem,  
consulit, ut legant Ambrosii *Marberrii* Præ-  
lectiones Physiologicas.

## MATERIA MEDICA.

Cum primarius Medici scopus sit valitudinem, qua quis fruitur, servare integrum, Prælectiones Materiæ Medicæ initium ducunt a ratione victus, qui sanis recteque valentibus hominibus congruit.

Quare non tantum differitur articulatim de qualitate earum rerum, quæ in cibum potumque adhibitæ sanitati aut profunt aut detimento non sunt, verum etiam modus traditur, quo cuicunque ætati ac temperiei debeant eæ attemperari.

Hisce diligenter pertractatis, Professor Boerhaavio duce, ad classes omnes remediorum, quæ e Regnis animali, vegetabili & minerali in usus Medicos ducuntur, se confert.

In quaque classe primum agit generatim de remediis ad hanc pertinentibus. Deinde

peculiatim tradit uniuscujusque descriptio-  
nem historiamque, indicata ratione, qua  
id feligitur, servatur paraturque. Tum re-  
ferat ejus vires medicosque usus in quovis  
morbo, cuius symptomata enumerat, ut in-  
de dignoscatur, quale in quoque morbi  
statu medicamen indicetur, quaque dosi,  
ac forma pro variis ægrorum circumstantiis  
tuto jucundequæ præbeatur.

Consequitur deinde tractatio de vene-  
nis, quo nomine, recepta jam in scholis  
Medicis consuetudine, intelliguntur non ea  
solum, quæ tali natura sunt, ut quantula-  
cunque eorum portio per se machinetur sem-  
per humani corporis destructionem, sed etiam  
illa omnia, quorum ut prudens administra-  
tio potest prodesse, ita inconsiderata exhibi-  
tio solet nocere.

Etsi igitur optandum esset, ut veneno-  
rum, quæ proprie talia sunt, non dicam

cog-

cognitione, sed vel ipso nomine careremus, nihilominus, quoniam s̄æpe aut casu accidit, aut imprudentia, & non raro scelestissimorum hominum feritate, ut quid benefici sese ingrat in humanum corpus, qui Materiam Medicam exponit, cogitur de venenis quoque verba facere.

Præfatus itaque in universum de eorum natura, iisque distributis in genera, prout varia agendi vi inferunt humano corpori perniciem, descendit ad singulorum recensionem, præcavens tamen sedulo, ne quid fibi excidat, ex quo, qui mente sunt perversa, discant artes illas fraudulosas ac detestandas, quibus impia veneficorum natio tentat mortalium vitæ latenter insidiari.

Nam ea tantum de causa in publicis Medicorum scholis differitur de venenis, etiam per se necem certo intentanibus, ut, qui profitentur se velle opitulari hominibus,

sciant, tum quæ possint illos pessum dare,  
tum signa, e quibus internoscatur veneno-  
ne affligantur ægri, an naturali morbo, ha-  
beantque in promptu omnis generis arma,  
quibus illud oppugnent.

Propterea Professor, ut debet esse accu-  
ratus quidem sed brevis in enarratione rerum  
veneficarum; ita multus sit, oportet, in  
enumerandis peculiaribus cujuscunque ve-  
neni effectibus in humano corpore, & in  
suppeditandis auxiliis, quibus illud aut  
abigatur prorsus, aut mitigetur, aut iners  
reddatur.

Postremo, ne quis error committatur  
vel a Medicis in medicamentis præscriben-  
dis, vel a Pharmacopœis in iis parandis,  
sermonem instituit de præceptis cautioni-  
busque, ad utrumque rite & secundum  
Artis leges præstandum necessario obser-  
vandis.

## PATHOLOGIA.

Præcipuum Medici, qui a medendo de-nominatur, officium est, definire ac dijudicare morbum, quo æger sibi oblatus tenetur, & ea omnia præstare, quæ vale-tudini restituendæ sunt apta: cumque id efficere scienter prudenterque nemo possit, cui bene perspectæ non sint morborum cau-sæ, species & indoles, idcirco discipuli in-tentius studeant oportet Pathologiæ, quæ hujuscemodi rerum scientiam suppeditat; quippe quæ ambitu suo comprehendit om-nia, quæ possunt ad illustrandam morbo-rum historiam, naturam, & curationem quoquo modo conferre.

Propterea Professor in eo totus est, ut peculiari Hippocratico studio ad Boerbaa-vianum filum commendata *Swietenianorum* Commentariorum lectione, evolvat pri-mum generatim morbi notionem:

Dein designet id, unde fit, ut alter ab altero differat; ac post hæc suscipiat singulorum distinctam nitidamque delineationem tradere, circumscribens cujuscunque causas, symptomata, signa, designansque respondentem qualicunque morbi statui tum prognosin tum curandi rationem. Ita ut Auditores efforment sibi quandam quasi imaginem rerum omnium, quæ ad morbum quemlibet discernendum, judicandum, curandumque spectare potest, in quam, dum ægrum inviserint, respicientes valeant, quoad licet, prompte intelligere & efficere quæcunque ex arte sunt.

Et ut Medico incumbit non modo, ut vulgus existimat, perditam valetudinem restituere, sed & prospicere, ne quæ adeat, patiatur detrimentum, ideo traduntur etiam in Pathologia præcepta tam generalia quam particularia, quibus fani homines vivendi

rationem instituant, &, ne a morbis facile corripiantur, præcaveant.

Conjungitur quoque Pathologiæ, utpote quæ ab ejus peritia pendet, Medicina, quam Forensem ex eo vocant, quod usui illa sit in iis caussis, quarum cognitio ad Magistratus & Tribunalia cum deferatur, necesse habent Judices sententiam Medicorum explorare.

At quamvis quis perdidicerit menteque teneat hæc omnia Artis præcepta, non illico tamen aptus est, ut admoveat ægris manus auxiliatrices. Etenim veri nominis Medicus esse is solus potest, qui ea, quæ & scholarum frequentatione, & privata Auctorum lectione perceperit, contulit cum decubentibus ægris. Ex horum quippe diutina contemplatione emergit tandem perfecta morbos cognoscendi curandique peritia iis etiam in casibus, in quibus occasio præ-

ceps moram longiori deliberationi solet raro concedere. Atque idcirco discipuli illi, quos constat comprehendisse probe Medicæ Artis fundamenta, admittuntur demum ad Praxin Clinicam in eo practico Nofocomio, quod AUGUSTÆ MARIAE THE-RESIÆ munificentia ad hunc finem instru-  
xit.

Eo loci, Studiosis omnibus lectulo adstantibus ægri publice à Professore examinantur, ut vestigentur morbi causæ, signa, symptomata &c. quæ omnia accurate scripto notantur, attentissimeque inter se se conferuntur, ut morbi natura & indoles patescant. Hinc medicamenta ceteraque necessaria præsidia, ut & conveniens victus ratio præscribuntur, causis indicatis, propter quas judicatur ita esse cum tali ægro agendum.

Postridie relegitur tota morbi historia, narraturque singillatim, quicquid ab eo tempore, quo Discipuli secesserunt, acciderit ægro, sive ab Arte, sive a natura, adjectis semper cujuscunque rei rationibus; tum exponitur, quid eo in statu symptomata, quæ vel adhuc persistent, vel emerserint, portendant, & deinde præsentibus eorum indicationibus curatio attemperatur. Idque quotidie eousque fit, donec æger penitus convaluerit.

Quod si morbi vis ægrum superaverit, tunc convocatis Auditoribus cunctis, qui ejus tractationi interfuerant, secatur cadaver, in eoque curiosissime exploratur, quicquid potuerit unquam tum hunc morbum facere, tum morti causam præbere: tum etiam disquiritur, solidæne fuerint naturæque morbi vere consentaneæ, quæ inter

medendum proferebantur sive conjecturæ,  
sive dijudicationes.

Ac ne studioſis sedulisque Discipulis quid  
defit, quominus audeant ipſimet ægrorum  
curam ſuſcipere, conceditur iis, qui diu-  
tius affidueque præſto fuerint hujuscemodi  
clinicis exercitationibus, adire quotidie  
pluries hoc Nosocomium, ibique decum-  
bentes ægros contemplari & examinare,  
ut animo concipient genuinam morborum  
in quoconque ſtatu effigiem. Quin ſub  
auſpiciis directioneque Professoris quidam  
ægri penitus eorum curationi concredu-  
tur.

Accedit quoque illud commodi, quod  
cuicunque Medicæ Artis vel Candidato  
vel Doctori liceat omnia Urbis Valetudina-  
ria pro arbitrio adire, ægrosque invifere;  
ordinariis loci Medicis candide aperientibus,  
ſi quæ adhucdum dubitandi locum adferunt,

aut

aut dilucidiorem experientiæ fulgorem præstolantur, ut de iis rite statuatur.

---

## ORDO STUDII MEDICI.

Quod affectantibus scientiam artemve aliquam, quæ ab alia, veluti furculus e trunco pendens, mutuatur principia quædam, quibus quasi imis basibus innatur, faciendum præcipit recta ratio, ut nempe ad eam non accedant, antequam universa, quæ huic substernuntur, sibi nota reddiderint, id salutaris Artis cupidis tanto minus est prætermittendum, quanto valetudo, & ipsa vita mortalium, cui illa præest, cæteris humanis rebus, utpote pretiosior, est anteponenda.

Cum ergo humanum corpus, circa cuius statum sanum morbosumque Medicus versatur, subsit legibus tum iis, quæ ce-  
te-

teris corporibus sunt communes, tum peculiari bus quibusdam, quæ non remotam habent cum reliquis animantibus affinitatem, ac præterea eodem fere cum istis modo a naturalibus rebus afficiatur, manifestum est, neminem posse Medicinam intimius assequi, qui experimentalem Physicen Matheeos face diligentius non perlustraverit, Naturalique Historiæ cognoscendæ animum non appulerit.

Præsertim cum sedula multiplicium naturæ operum contemplatio mentem acuat, & ad eam quoque sagacitatem facilius acquirendam disponat, cuius beneficio in Medicæ Artis exercitio tenebræ, faciem morborum non raro infuscantes, feliciter dispelluntur.

Atque hæc necessaria prorsus sunt. Sed non mediocris quoque utilitatis erit Medicinæ studioſo linguarum peritia: Græcæ primum, qua ex ipsis Medicæ Artis fon-

fontibus nativi latices hauriantur: tum eārum gentium, quæ bonis literis peculiarem operam dant, ut in proprios usus transferat, quicquid illustres apud eas Artis Salutaris cultores superiori nostraque ætate a se vel detectum vel meliori in luce collocatum non nisi patro sermone exposuerunt.

Et si in elegantioribus quoque literis non erit omnino inexercitatus, non quidem major Medicus fiet (morbi enim non eloquentia sed remediis curantur) sentiet tamen majora sibi adesse, cum ad distincte ordinateque cogitandum, tum ad apposite loquendum, adjumenta, quam habeant ii, qui ejuscemodi ornamentiis deſtituuntur.

Igitur adolescens necessariis, quæ ſuperius memoravimus, scientiarum elementis imbutus, audiet primo anno Prælectio-nes Anatomes, Chemicæ & Botanices; tum quia cum Physica Experimentali Naturali-  
que

que Historia conjunctionem habent, tum quia ad intelligentiam eorum, quæ consequuntur, viam sternunt.

Secundo anno iisdem, ut vocant Collegiis, quæ tenetur iterum frequentare, addet auditionem Prælectionum Physiologicarum.

Tertio anno vacabit denuo Physiologiae, conjungendo illi Pathologiam & Materiam Medicam.

Quartum annum impendet repetitioni Pathologiae, Medicæque Materiæ, & insimul adibit Collegia Clinica.

Quintum denique annum transiget in audiendis Clinicis Collegiis, & in iis Prælectionibus recolendis, in quibus existimaverit se non esse satis eruditum: vel si id sibi magis libuerit, adibit scholas Chirurgiae, Artisve Obstetriciae, aut Urbis Nefocomia.

Atque hoc ordine, qui Medicinæ diligentem operam navaverit, poterit certe quinque annorum spatio ea omnia facile perdiscere, quæ ad Medicinam intelligenter faciendam sunt scitu necessaria.

---

E X A M I N A  
PRO GRADU DOCTORATUS ME-  
DICI.

**N**on tamen studioſo, etiamſi ſcholis affi-  
due interfuit, conceditur statim Ar-  
tis exercendæ potestas. Etenim conſtare Fa-  
cultati debet, iþum universa, quæ audivit,  
ita percepiffe, ut ea in succum, ut ajunt,  
& ſanguinem omnino converterit.

Quapropter duo illi rigorofa examina  
ſunt ſubeunda.

Horum primum complectitur universæ  
Medicinæ fundamenta, integrumque Theo-

reticam doctrinam. Proponuntur igitur illi resolvendæ ex Anatome, Chemia, Botanice, Physiologia, Pathologia quæstiones aliquot graves, ut dignoscatur, an Candidatus noscat scienter humani corporis partes, actiones atque functiones; valeatque morbos tam generales quam particulares e signis symptomatibusque propriis discriminare, & five prophylacticam, five curantem mediam cuicunque indicationi congruentem designare.

Atque huic examini intersunt Facultatis Præses, Decanus, & quatuor Medicinæ Professores.

In altero examine, quod est mere practicum, & aliquot post primum diebus instituitur, præsentibus præter Præsidem, Decanum & quatuor Professores, binis Facultatis Membris e peritioribus Practicis, agitur solummodo de varia difficiliorum

com-

complicatorumque morborum curatione; tum de præfinienda plurium medicamentorum dosi, de indicandis morbis, quibus hoc alterumve remedium conveniat, ac tandem de diversis eorum formulis ad Artis leges præscribendis.

Quæstiones autem, quæ in utroque examine objiciuntur illi discutiendæ, ita artificiose contexuntur, ut complectantur, quanto plures Medicæ Artis partes possunt conglomerari, ad hoc ut certius statuatur haud minus de respondentis peritia, quam utrum in eo, quod ipse profert, non solius memoriæ vis, sed & perspicax & prudens & solidum judicium interluceat.

Si Candidatus in binis hisce examinibus tulit omnium suffragia, admittitur ad habendam publicam inauguralem Disputationem, quam ipsem et trium mensium tem-

pore debet componere, nisi argumenti gravitas longius temporis intervallum expostulet.

Disputatio hæc habetur semper in publicis Universitatis ædibus, quatuor Medicinæ Doctoribus Defendantem non ex formula & ad pompam, sed graviter rigideque oppugnantibus.

Cumque publicus hic actus reputetur tertium postremumque examen, debent necessario Decanus & omnes Medicinæ Professores ei adesse.

Postquam vero omnia hæc rite processerint, constituitur certa dies, qua Rector Universitatis, Cancellarius, quatuor Facultatum Decani, Professor promovens & Facultatis Notarius congregantur, & auctoritate, a Summo Principe concessâ, tribuunt Candidato ritu consueto Doctoratus Gradum, & omnia Jura ac Privilegia huic

ad-

adnexa. Inter quæ illud erit præcipuum, quod, qui in Vindobonensi studiorum Universitate creatus est Medicinæ Doctor, liberam Facultatem consequatur exercendi Artem sedemque suam figendi in hæreditariis omnibus Cæsareo - Regiis Provinciis, ubicunque locorum sibi visum fuerit.

Si autem voluerit albo Membrorum Facultatis Medicæ Vindobonensis adscribi, solvat necesse est, centum aureos Cremnicenses, qui ad ærarium viduarum Facultatis deponuntur.

---

## C H I R U R G I A.

**A**rte quoque Chirurgicæ deputatus est in Universitate nostra Professor Publicus Ordinarius, titulo Consiliarii Cæsareo - Regii condecoratus, qui in Facultate

post ultimum Medicinæ Professorem locum  
occupat.

Ad hæc Collegia patet pariter cuilibet  
liber aditus: Chirurgis autem Civicis Vin-  
dobonensibus præceptum est, ut omnes Ty-  
rones Amanuensesque suos ad ea audienda  
mittant; atque inde quotidie de eo, quod  
audierunt, examinent exploraturi, num in  
Arte proficiant futurique sint ei exercendæ  
apti.

Cum solidæ Chirurgiæ basis sit Anatо-  
mes cognitio, Professor exorditur Præle-  
ctiones suas ab Osteologia & Anatome,  
quam vocant siccām; a qua gradum deinde  
facit ad universæ Anatomē demonstratio-  
nem in cadaveribus, adnotans in qualibet  
corporis parte, & experimentis exemplis-  
que practicis confirmans, quæ a Chirurgiis  
sunt in iis observanda, interserens eodem  
tempore tum Physiologiam, tum animadver-  
siones

fiones omnes, quæ ex Anatome spectare possunt ad Chirurgiam, quam vocant Forensem & legalem.

Necessariis hisce fundamentis substratis sumit sibi enarrandas Chirurgiæ Institutiones. In his post brevem historiam literariam Chirurgiæ, exponit distincte ea omnia, quæ expertus Chirurgus scire debet de morbis tam in genere quam in specie. Agit de tumoribus, vulneribus, ulceribus, luxationibus, fracturis &c. recensens methodo facili singula signa & symptomata, a quibus, vera & multiplici observatione confirmata, chirurgicorum morborum cognitio, differentia & diagnosis determinantur. Ac tandem indicat omnia tam interna quam externa præsidia, quibus Chirurgus ad quoscunque Arti suæ subjectos morbos pertractandos potest umquam indigere.

Postquam vero integrum theoreticæ Chirurgiæ explicationem absolverit, ad Chirurgicas operationes descendit eo ordine, ut præmissa generali earum notione ac divisione, suscipiat de qualibet singillatim agere, tradens peculiarem cujuscunque theoriam, quæ cognitu necessaria est, ut dextere appositeque perficiatur. Ostendit deinde universum instrumentorum, fasciarum &c. ad eam encheresin apparatus, & congruentem uniuscujusque usum & applicationem. Quo facto ipsemet eam operationem, de qua sermonem habuit, instituit in cadavere, repetens inter operandum atque demonstrans practice cuncta, quæ ante theoretice explicaverat.

Ex qua methodo, sat certe laboriosa, non parum utilitatis reportant etiam ii e Discipulis, qui mediocre minusque dexterum ingenium cum sint a natura consequunti,

ti, segnius perciperent ea, quæ illorum auribus ingeruntur, nisi eorum speciem fideles oculi imaginationi simul infigerent.

Quoniam vero in iis, quæ manu efficienda sunt, solus ille sperare potest, se apte rem esse gesturum, qui repetita exercitatione manibus habilitatem dexteritatemque comparaverit, constitutum ideo est, ut quolibet anno postrema Novembris, Decembris, Januarii, Februarii, Martiique hebdomada impendatur ea ratione, quæ subjicitur.

Chirurgiæ nempe Professor eos e suis Auditoribus seligit, qui theoreticam doctrinam probe callent. Ex iis vicissim modo unum, modo alterum jubet Chirurgicam aliquam operationem perficere in cadavere, exigens, ut is ejus operationis theoriam publico in Collegio prius exponat, & omnia ad eam peragendam necessaria rite pa-

ret. Deinde rem aggreditur adstantibus Discipulis omnibus & Professore, qui eum, si minus recte operetur, corrigit comiter demonstrata ratione, qua & id, in quo erraverat, & id, quod prosecuturus est, sit efficiendum.

Peracta operatione applicat ea omnia, quæ applicanda essent, si operatio instituta fuisset in corpore vivente; recenset quoque, quid infausti potuisset sub ipsa operatio-ne contingere, quave ratione sit illud evi-tandum; narratque deinde ea, quæ solent quandoque operationem subsequi, indi-cans remedia, quibus his foret obviandum.

Sed ne selecti hi adolescentes accedant ad publicas hasce operationes imparati, sig-nificatur iis mense ante, quænam operatio-nes futuro mense faciendæ sint, & aucto-res, unde ad eas perficiendas erudiantur.

In eum quoque finem hujuscemodi publicæ exercitationes sunt institutæ, ut adolescentes, affueti operari in proposito, assequantur eam strenue audacterque agendi securitatem, quæ Chirurgo necessaria est, quominus ab efficiendis iis, quæ ex arte sunt, aut personæ languentis splendore, aut adstantium auctoritate dimoveantur, vel perturbentur. Tales denique fiant, quales *Celsus* vult Chirurgos esse: *animo intrepidos, immisericordes, sic ut sanari velint eos, quos acceperint, non ut clamore eorum moti, vel magis, quam res desiderat, properent, vel minus, quam necesse est, secent; sed perinde faciant omnia, ac si nullus ex vagitibus alterius affectus oriatur.*

In quo, ut quotidie magis obfirmentur, Professor, qui hac de causa proprium nosocomium sub se habet, illis quorum chirurgicam peritiam in cadaverum tractatione

exploraverit, concedit, ut, se præsente ac dirigente, operationes quasdam in ægris quoque pertentent.

Et quoniam persimiles operationes publicæ perficiuntur etiam in Nosocomio Medico practico, in Pazmanniano, in Hispanico, & ad Sanctum Marcum, in quibus primarii Chirurgi sunt certe viri experientissimi, qui voluerit serio & ex animo sese Arti huic dedere, non habet, quid desideret eorum, quæ ad perfectum Chirurgum efformandum aliquam vim possunt unquam habere.

Ad Anatomen Professor Chirurgiæ commendat *Verdieux*, & *Winslow*; in Chirurgia sequitur ordinem majoris Chirurgiæ *Heisteri* consulendo simul legendos *Gerardi van Swieten* commentarios de morbis & operationibus chirurgicis.

## EXAMINA CHIRURGICA.

**P**ro Chirurgiæ Candidatis bina quoque examina præscripta sunt, ad quæ tamen nullus admittitur, nisi per longum tempus nosocomia frequentaverit.

Primum examen est de Anatome & de universa Chirurgia tam theoretica quam practica. Statuuntur quoque peculiares quæstiones de varia vulnerum lethalitate, deque cadaverum veneno, vel vi extrinsecus illata, interfectorum recognitione, & legali ad Judices relatione.

Si his omnibus Candidatus satisfacit, interrogatur adhuc de ratione, qua morbi quidam interni maxime communes popularesque dignoscantur, & quomodo, quibusque medicamentis ii sint tractandi.

Etenim cum non ubique locorum præsto sit Medicus, oportet, ut Chirurgus,  
qui

qui ceteroquin sine aliqua Medicinæ notitia nequit esse perfectus, ita sit comparatus, ut hujusmodi quoque infirmis valeat opitulari.

In secundo examine debet instrumentorum chirurgicorum, qualiacunque illi exhibeantur, nomen, usum, & applicandi rationem illico pandere, ut & diversa fasciarum ligamentorumque genera machinæ in hunc finem concinnatae aptare: &, si cadaver exstet, unam alteramque operationem in eo perficere, spectantibus Examinatoribus, Præside nempe Facultatis Medicæ, Decano, Professoribus Anatomes & Chirurgiæ, atque binis Senioribus e gremio Chirurgico.

Qui in ambobus hisce examinibus non indubia dedit scientiæ specimina, & omnium Examinatorum suffragia reportavit, admittitur ad juramentum, nancisciturque  
Di-

Diploma, quo aptus ad Chirurgiam exercendam declaratur.

---

## ARS PHARMACEUTICA.

**Q**uandoquidem interest admodum Republicæ, ut Pharmacopœæ publicæ sint selectis, recentibus riteque paratis, & a quocunque vel incipientis corruptelæ vitio exemptis medicamentis instruæ; cautum propterea lege est, primum, ne ullus in censum publicorum Pharmacopœorum adscribatur, nisi a Facultate Medica fuerit examinatus & adprobatus: tum ut certus definitusque sit Pharmacopœarum publicarum numerus, quem augere nisi gravissimis intercedentibus causis non licet, cum perspicuum sit, non posse sperari, ut medicamenta serventur integra in iis officinis, quibus frequens ea dividendi occasio non suppetit: & tandem,

ut

ut in potestate Præsidis esset, earum visitationem cum Decano, Professore Chemiæ ac Botanices, atque binis senioribus e gremio pharmaceutico pro arbitratu suo inopinate instituere.

Et, qui Arti conficiendi Pharmaca voluerint se addicere, debent cumprimis latinam linguam callere. Tum, si tyrocinii tempore fundamenta Pharmaceutices didicerunt, & ad omnia, quæ manu peragenda sunt, sese intelligenter exercuerunt, facultatem obtinent frequentandi Prælectiones Chemicas, Botanicas, Materiæque Medicæ; & a Decano inscribuntur Matriculæ Facultatis Medicæ, participesque fiunt Privilegiorum omnium, quibus Medicinæ studiosi perfruuntur.

## EXAMINA PHARMACEU- TICA.

**P**harmacopœus subest quatuor examini-  
bus.

In primo exhibentur ei plures variæ-  
que plantæ recentes, quarum nomina non  
tantum Officinalia, verum etiam Botanica  
nosse debet. Determinandum præterea ab  
ipso est, quænam cujuslibet plantæ pars  
in usu sit; quid ex ea soleat in officinis, &  
qua ratione confici; quo anni tempore sint  
colligendæ, & quomodo servandæ, ut ea-  
rum integritati efficacitatiq[ue] nihil decedat.

In secundo, quod est de Materia Me-  
dica & Pharmaceutica, afferuntur varia ex  
omnibus tribus regnis simplicia medica-  
menta, quæ debet non hæsitanter denomi-  
nare, atque insimul denotare signa, ex  
quibus recentia & efficacia ab effætis,

genuina ab adulteratis dignoscantur, & modum, quo possint fraudes detegi.

Tertium, quod versatur in Chemia & universa Pharmaceutice, transigitur interrogationibus de earum fundamentis; tum multiplicibus quæstionibus de diversis Chemicis Pharmaceuticisque processibus, de variorum medicamentorum compositionibus ac mixtionibus, de instrumentis, eorumque usu, de ponderibus, mensuris ac notis apud Chemicos Medicosque usitatis &c.

Si in hisce tribus examinibus apte, scienterque responderit, designatur dies certa ad examen quartum, quod est practicum.

Nam indicuntur ipsi quædam operaciones Chemicoo - Pharmaceuticæ, quas teneatur theoretice explicare, ac demonstrare, enarratis necessariis ad eas rite peragendas cautionibus, & deinde in conspectu omnium

nium Examinatorum propria manu indu-  
striaque integre perficere.

Ut hæc omnia absolvit, admittitur ad  
juramentum, & consequitur Diploma, cuius  
vi potest publicam Pharmacopœam vel si-  
bimet ipsi comparare, vel Provisoris titulo  
administrare.

---

## ARS OBSTETRICIA.

**Q**ui Obstetrics ita parvifaciunt, ut in  
infimam fere hominum classem eas  
detrudant, æquius certe de iis judicarent,  
si perpenderent, earum opera consilioque  
in lucem educi conservarique complures  
Cives Reipublicæ utilissimos, qui secus  
aut in ipso ortu misere interiissent, aut lan-  
guentem & ad munia publica inhabilem vi-  
tam traduxissent.

Verum quidem est accidere non raro, ut temeritate imperitarum muliercularum ( viros enim ad hæc officia fæmineus pudor plerumque renuit adhibere ) non solum connubiorum fructus aut præfocentur, aut deformentur, quin & ipsi humanæ propaginis fontes pessumdentur ita, ut prorsus arefcant.

Sed ex hoc nihil inde conficitur, nisi quod e sapientia publica sit advigilare, ne five a prægnantibus, five ab iis, qui ententibus auxiliantur, detrimenti quid capiant humani surculi in hanc lucem prodituri.

Atque ideo providentissima AUGUSTÆ MARIÆ THERESIÆ Mens passa non est, ut Medica Vindobonensis Facultas publico Artis Obstetriciæ Professore caret.

Is autem hoc ordine docet.

Pri-

Primo agit de Pelvi, cuius ossa primum conjunctim, tum separatim considerat; adnotans omnia, quæ ante partum, eoque durante, obstetricibus, ratione singulorum istorum ossium, sunt observanda.

Secundo tradit Anatomen partium genitalium muliebrium tam exteriorum quam interiorum.

Tertio exorsus a conceptu exponit totum graviditatis decursum, ejusque signata m verâ quam dubia, enarrando quænam in genitalibus gravidarum membris immutationes a conceptionis momento ad finem graviditatis usque sæpiissime observentur.

Quarto considerat in ultimo graviditatis termino statum uteri & eorum, quæ in eo continentur; dein recenset signa partus instantis, distinguit dolores partus veros a spuriis, traditque completam partus naturalis historiam doctrinamque; porro agit de

partibus immaturis, de molis conceptibusque falsis ac præternaturalibus &c. demum universam *Obstetriciæ Artis* theoriam explicat.

Quinto demonstrat in pelvi deducta, qui partus sint naturales, qui præternaturales, qui difficiles, qui impossibilis.

Sexto eosdem pariendi modos ostendit in machina, feminam artificiose constructam repræsentante, vel in cadavere, si quod forte præsto sit ad hujusmodi demonstrationes opportunum. Atque una docet practice conversiones encherefesque omnes, quæ fieri unquam possint ac debeant tam ab *Obstetricibus* quam ab *Obstetriciis*, adducitque, quoad fieri potest, omnes observationes practicas de causis, signis, symptomatibusque hæmorrhagiarum internarum &que ac externarum,

Septimo de Obstetriciis instrumentis, quæ omnium conspectui subjiciuntur, differit in communi; tum uniuscujusque usum, præstantiam & adaptationem aperit, enumeratis casibus, quibus illa convenient.

Octavo edocet Obstetrics modum, quo gerere se debeant cum gravidis, parturientibus, recens natis, puerperis, nutricibus; quidve ratione victus, & curationis quorumcunque symptomatum, quæ supervenire quandoque solent, sit ab ipsis observandum.

Erudit postremo illas, quo pacto quibusque cautionibus, cum judices iussint, debeant inquiri, inspicique fœminæ aut de graviditate suspectæ, aut de corruptela, defurtivo partu, de infanticidio, de abortu, &c. accusatæ, docetque simul, quanta circumspectione opus sit, ut ad judices de iis ex legum formula recte possit referri.

Professor Obstetricibus æque ac Obstetriciis commendat Obstetricia opera Raphae-  
lis *Steidele legenda in antecessum.* Artis  
Obstetriciæ curriculum ter singulis annis ab-  
solvitur.

Iis, qui in Arte profecerunt ita, ut  
ejus theoriam bene calleant, conceditur adi-  
tus in valetudinarium ad Sanctum Marcum,  
quo loci cum gravidarum parientiumque non  
mediocris copia sit, potest quis percommo-  
de fructuoseque veram Artis praxin assequi.

---

## EXAMEN OBSTETRICUM ET OBSTETRICANTIUM.

In eo, cui intersunt Praeses, Decanus &  
Obstetriciæ Artis Professor, exploratur  
severissime, an Obstetrics universam  
Artis doctrinam intelligenter perceperint:  
tum praescribitur illis, ut in obstetricia ma-  
china varias conversiones, & in difficilio-

ribus partibus necessarias enchereses prius demonstrent, deinde manu exequantur.

Ab Obstetriciis vero, qui vel Medici esse debent vel Chirurgi, exquiritur præter hæc, quid judicandum agendumque sit in partibus, quorum difficultas & periculum sunt, quam fieri potest, maxima: exigiturque, ut sententiæ suæ encheresumque ab ipsis propositarum rationes reddant ex Arte. Proponuntur dein de iis Obstetricia instrumenta, ut eorum usum, applicationem, casusque, in quibus quodlibet conveniat, explicit, ac tandem jacentur ea instrumenta vel cadaveri vel machinæ aptare, ut de eorum scientia, dexteritate, ac judicio certo constet.

Quod si Obstetrices ea, quæ superius memoravimus, & Obstetricii ea insuper, quæ posterius, suffragantibus omnibus præ-

sti-

stiterint, admittuntur ad juramentum, & obtinent Diploma.

Atque ut Medici Chirurgique diligenterius incumbant saluberrimæ huic Arti, decretum est, ut ceteris paribus, anteferantur ii, qui in hac Arte practice sese exercuerunt: nec ullus constituitur Chirurgus primarius Urbis aut Circuli, qui Obstetricius simul non sit.

---

### DE IIS, QUIBUS IN EXAMINE OMNES NON SUFFRAGANTUR.

**Q**ui in examinibus sive ad Medicinam, sive ad Chirurgiam, Pharmaceuticen, Obstetriciamve Examinatoribus non facit satis, & uno altero eorum suffragio destituitur, nequit juramentum deponere, & multo minus Diploma consequi; sed debet prout, spectato ejus ingenio, visum fuerit, adhuc Collegia uno duobusve annis frequentre,

tare, eaque perdiscere, in quibus ostendit, se non esse satis versatum. Quo tempore præterlapso potest iterum se subjicere examini, quod pariter, secundum descriptam superius formulam, instauratur.

---

## COLLEGIA EXTRAORDINARIA.

Jam vero, quoniam ordinariis anni scho-  
lastici Prælectionibus perdurantibus, so-  
lent Chirurgi Obstetricesve e variis Pro-  
vinciis Vindobonam adventare, ut in Ar-  
te sua sese perficiant, quorum gratia Pro-  
fessor Publicus Ordinarius nequit cum Au-  
ditorum suorum detimento institutum Col-  
legiorum cursum immutare, aut abrumpere,  
providit AUGUSTÆ Munificentia, ut exstet  
Professor Extraordinarius, qui plures quo-  
tidie horas impendat iis erudiendis tum vot-  
ce, tum Chirurgicæ Obstetriciæque Pra-

xeos demonstratione, in Valetudinariis ad hoc designatis. Quod beneficium percommodum sane est *Chirurgis Obstetricibusque, præsertim ruralibus*; utpote quibus liberum hoc pacto est, aditionem Urbis ad domesticas rationes pro arbitratu suo componere.

Tandem ne in qua Medicinæ parte defint privatæ Prælectiones, in eorum commodum, qui eas desideraverint, licebit cui libet Medico, Chirурgo, Pharmacopœo & *Obstetricio* privatim prælegere, siquidem a Facultatis Medicæ Præside idoneus huic muneri judicetur.

Atque hisce Institutis, suprema Auctoritate confirmatis, religioseque servatis regitur Medica nostra Vindobonensis Facultas: quibus, nisi nos nostrarum rerum amor fallat, existimamus provisum abunde esse

om-

omnibus, quæ necessaria sunt, cum ad prospiciendum virorum fœminarumque cuiuscunque ætatis sanitati; tum ad efformandos Artifices, qui, si studiis, doctrinæ prudentiæque conjunxerint officia, quæ *Hippocrates* in suo jurejurando memorat, ii sint, quibus cives valetudinis suæ suorumque curam fidenter possint concredere.




Capitulum de vita sancta  
et morte eiusdem patris et confessoris  
Iohannis baptistae apostoli et martyris  
in ecclesiis suis et in monasteriis  
et in aliis locis quodammodo invenitur  
in libro gallicantus, capitulo secundo  
Hoc capitulo in primis dicitur  
quod Iohannes baptista in monasterio  
in monte iudeo latravimus sicut  
mucrus sunt animalia ruris sive  
estragonum quibus latravimus



**EXPLICATIO**

*Iconographiae  
Horti Botanici  
Vindobonensis.*

- AA. *Via publica, vulgo Rennweg.*
- B. *Introitus ad hortum.*
- C. *Area.*
- D. *Domicilium Hortulanum.*
- EEE. *Domicilium Professoris.*
- FF. *Caldarium altius.*
- GG. *Caldarium demissius.*
- HH. *Hibernaculum.*
- III. *Pulvini pro Serendis.  
primo vere seminibus.*
- L. *Pratum.*
- MM. *Fruticetum ex Stirpibus  
estatanos sub dio, hibernem  
in hibernaculo agentibus.*
- NNN. *Areolae pro plantis  
pharmaceuticis solis.*
- OOO. *Areolae, quæ conti-  
nent plantas herbaceas,  
cum annuas, tum radice  
perennante donatas, clima  
nostrum ferentes, secun-  
dum genuinum naturæ  
nutum digestas.*
- PP. *Areolæ pro plantis per-  
ennibus, estatem solam sub  
dio, agere aptis, hinc in  
olis crescentibus.*
- QQ. *Arboreta.*
- RR. *Plantæ oleraceaæ.*
- SS. *Pergula cameraria.*
- TT. *Lignile.*
- UUU. *Plantæ aquaticeæ.*
- V. *Seminarium.*
- X. *Transitus ad Hortum  
Casareum Belvedere.*
- Y. *Eadicula aestiva.*



Scala 30 Orgijiarum.

**UB WIEN**



+AM360295406

